

KDYMM PEMANGKU RAJA PAHANG BERKENAN SANTUN PENDUDUK ORANG ASLI GUMUM

PEKAN, 11 SEPTEMBER 2021 : Kebawah Duli Yang Maha Mulia Pemangku Raja Pahang, Tengku Mahkota Tengku Hassanal Ibrahim Alam Shah Ibni Al-Sultan Abdullah Ri'ayatuddin Al-Mustafa Billah Shah berkenan menyantuni penduduk Orang Asli di daerah ini.

Baginda yang meraikan lawatan TYT Duta Kesatuan Eropah (EU) ke Malaysia, Encik Michalis Rocas yang masuk hari kedua telah bercemar duli ke Kampung Orang Asli Gumum.

Dalam lawatan tersebut, baginda dan rombongan turut mencuba memakan sireh dengan tunjuk ajar daripada Pengerusi Jawatankuasa Kemajuan dan Kemakmuran Kampung (JKKK) Orang Asli Gumum, Nashita Dewi K. Paramanantham.

Baginda turut mempamerkan kebolehan menyumpit apabila kesemua sumpitan baginda mengenai sasaran dalam lawatan kira-kira 2 jam tersebut.

Baginda yang sebelum itu melakukan tinjauan udara bersama TYT Encik Michalis Rocas turut berkenan mencemar duli meninjau kawasan Tasik Chini dan mendengar sembah taklimat berkenaan tasik tersebut.

Baginda turut berkenan membawa TYT Encik Michalis Rocas dan rombongan melawat Masjid Sultan Abdullah sebelum seterusnya berangkat ke Muzium Sultan Abu Bakar untuk melihat beberapa koleksi Kesultanan Melayu Pahang yang dipamerkan.

Baginda kemudiannya telah berkenan melawat tiga buah ladang melibatkan ladang madu kelulut, ladang madu lebah, dan ladang fertigasi timun sebelum berangkat pulang.

Turut hadir, YB. Setiausaha Kerajaan Pahang, Dato' Sri Dr. Sallehuddin Ishak; Ketua Bahagian Perdagangan dan Ekonomi EU, Encik Francesco Floris; Pegawai Daerah Pekan, YH. Dato' Zaliza Zulkifli; dan YM Tengku Aiman Putra Tengku Dato' Sri Kamal Bharin. – **PAHANGMEDIA**

Disediakan oleh Unit Komunikasi dan Media Pahang (UKOMP)

#MajuTerusPahang
#Pahang1st
#KerajaanNegeriPahang

Oleh : Ain Nadhirah Basha

Foto : Muhammad Muslimi Abd. Rahim

(LIPUTAN BERGAMBAR)





PAHANG MEDIA
MUHAMMAD MUSLIM



PAHANG MEDIA
MUHAMMAD MUSLIM

